

Genus generi *Monalocoris* Dahlb. affine, pronoto hemielytrisque explanatis, incisura profunda et latiuscula fracturae cunei margineque hujus exteriori basi valde arcuato mox distinguendum.

Cyclidolon cerinum n. sp. Sordide cerinum, subglabrum, hemielytris tenuissime et brevissime pallido-pubescentibus; rostro, antennis pedibusque cum coxis pallidissime flaventibus, apice articuli secundi antennarum (articuli ultimi desunt) infuscato. Long. $2\frac{2}{3}$, lat. fere $1\frac{1}{2}$ mm.

Mexico, unicum specimen.

Caput basi pronoti dimidio angustius, vertice oculo paullo magis quam triplo latiore. Oculi rufo-ferruginei. Antennae articulo primo diametro oculi parum longiore. Pronotum sat crebre subtiliter punctatum. Hemielytra endocorio sat obsolete subtiliter punctato, ectocorio laevigato; membrana dilute flavente, vena cerina.

Monalocorisca Dist.

Biol. Centr. Amer., Rhynch. Het., I, 1884, p. 286; Reut., Öfv. Finska Vet. Soc. Förh., XLVII, Nr. 20, 1905, p. 7 (diagnosis completa).

Monalocorisca simplex n. sp. Ovalis, superne opacula, capite pronotoque ochraceis, scutello hemielytris rufescentibus; inferne testacea, lateribus pectoris fuscis; antennis articulo primo capite ab antico viso circiter triplo brevior, basi annuloque anteapicali nigris, secundo latitudine basali pronoti circiter dimidio brevior, extrema basi apiceque nigro (ultimi desunt); femoribus basin versus albidis, tibiis muticis, tarsis apice fuscis; capite basi pronoti fere $\frac{3}{5}$ angustior, vertice (♀) oculo paullo latiore; pronoto crebre punctato, disco postico modice gibboso, utrinque ante angulos laterales impresso, margine basali anguste laevigato. ♀. Long. 4, lat. $1\frac{2}{3}$ mm.

Takubaya, m. Augusti, 1 ♀.

Div. *Clivinemaria* m.

Ofellus praestans Dist. Orizaba, m. Martii.

Div. *Miraria* m.

Collaria oleosa Dist. Orizaba, m. Novembris.

Div. *Capsaria* m.

Caps. in Brasil. coll., 1907, p. 45.

Phytocoris Fall., H.-S.

Reut., Hem. Gymn. Eur., V, p. 242. — *Compsocorocoris* Dist., Biol. Centr.-Amer., Rhynch. Het., I, 1883, p. 260.¹⁾

Phytocoris guttatus n. sp. Superne fumatus vel obscure cervinus, opacus, capite pallido-piloso, vertice guttulis quatuor cruce includentibus, gutta utrinque ad basin antennarum genisque sordide albidis; antennis articulo primo gracili, lineari,

¹⁾ Sub nomine *Compsocorocoris annulicornis* l. c., p. 261, 5 Distant plures species commixit. — *C. annulicornis* Reut. nec Dist. ab iis longe divergit.